





M. D. LXXI.  
XXX.

29

CARMEN GRATVLA  
TORIVM

IN HONOREM IL  
LUSTRIS ET GENEROSI DO  
mini, Domini ANARGI FRIDERICI, Li  
beri Baronis in Vuildenfels, & Domini in Ronne  
berga, &c. Magnifici Rectoris in Salana Acade  
mia publicè electi & renunciati prid.  
Calend. Augusti, Anno  
M. D. LXXI.

Autore

GEORGIO REGEBRANDO  
Regiomontano nouæ Marchiæ.



I E N Æ

Guntherus Huttichius excudebat,  
Anno 1571.

FF 20



**T**Empora nunc animis, nunc optatissima nostris  
Affulgent ANARGE Baro, quotcunq; studemus  
Nocturna versare manu, versare diurna  
Attenti veterum monumenta operosa sophorum,  
Et diuina pie tradentia dogmata plebi  
Biblia: dum nostrum generoso sanguine cretos,  
Quos pietatis amor, pulchræ quos gratia formæ,  
Plurimiq; in puro commendat pectore virtus,  
Cernimus apposito moderari corde lycæum.

Integer elapsis bis sex est mensibus annus,  
Gleichiacæ quando SIGEMUNDVM nobile stirpis  
Lumen honoratam cathedram conscendere, & ampli  
Muneris officium (Phœbi quo dedita sacris  
Turba regi sœuit) sperata sumere dextra  
Vidimus, atq; nouis circum præcordia motus  
Sensimus, ac nobis de tali prospera quæq;  
Gratati Rector, DEVM per vota precesq;  
Assiduè fujas summissa voce rogantes  
Sollicitabamus, nostras vt pergeret vsq;  
Pergeret accepta res nostras sorte fouere.  
Vt Schola nostra, Dei tantum quæ sudat honori,  
Quæ fugit humanæ stultissima semina mentis,  
Incipiens tandem fatis melioribus vi,  
Colligeret vario quassatas turbine vires,  
Ac infinito languens certamine corpus  
Fauatrice antiquum repararet sorte vigorem.

ECCE

ECCE Deus licitis gratissima pondera votis  
Annuit, ac nobis ANARGFRIDERICE benignè  
Permittit curaq; tua regnoq; potiri.

Hæc igitur niueo lux est signanda lapillo,  
Lux bona IENENSI lux hæc nitidissima ludo,  
Qua Generose BARO, celebri stipante caterua  
Te solido iuuenem cumulandum grandis honore  
Muneris, ad docti tectum properare theatri  
Cernimus, augustaq; manu comprehendere claræ  
Sceptra Scholæ: Te nil lenensia mænia norunt  
Pulcrius, ô nostri merces FRIDERICE precatus.

Idcirco tanto lux ô solennis honore  
Lætior, insolito plausu perculta, refulge.  
Non iam more suo Musarum tendit ad ædes  
Musas turba colens, diuina vt ab ore docentum  
Verba, vel ornatè narrantum scripta sophorum  
Pendeat, ac animum monitis vehementibus auctum  
Instruat, æternum præcepta salubria discens.

Spektatum accelerat pompam: miratur in ipso  
Vestibulo quauis pictos in parte tapetos  
Affixos muris: venientes agmine longo  
Doctores contemplatur, quos anteit omnes  
RECTOR ELINGERVS morborum noscere causas  
Herbarum & cautè succis depellere doctus.  
Iuxtà incedit ouans successor ANARCHVS honorum.  
Imperijq; BARO claris natalibus ortus.

Ponè sequi Austriacos videas mansueta Barones  
Pectora, STARNBERGI fra. res duo splendida fulcra  
Stemmatis, Et quo se fulcit Theodorica rupes.

Multus adest veniens longinquis hospes ab oris,  
VIGANDO hinc comitante Dei Christiq; ministro  
Peruigili cætus, noto pietatis amore,  
Sinaq; spargenti spaciosum scripta per orbem,  
HESHVSIVS subit æterni qui dulcia patris  
Viribus inuictis & maiestate verendi  
Nomina coniuncto defendit ubiq; labore  
His comes à cælo deducens nomina Doctor  
Cumq; MELISandro KIRCHnerus: multa merentes  
Præmia, Marte viri forti immotoq; beati.

His rigida stygij fraudes odiumq; Draconis  
Insidiæ technæq; atq; artes mille nocendi  
Excosos toti (crux ô sanctissima) mundo  
Reliunt: inuisos hos larga caterua malorum  
Quotidiè exagitat: Denon hos querit, vt atra  
Fauce vorans terræ absorptos in viscera condat.

Iurisconsultos procedere mox vtriusq;  
Te Preme, te vidi MORDERE & vtroq; COLERE  
Te non inferiorem, & te facunde IO SIA,  
Nomineq; insignem te PINGIZERE Maronis.

Egregij subeunt Medici, diuina NEANDER  
Solers eruere è medysq; absteria tenebris  
Ponere Aristotelis manifesta in luce reperta,

GER

GERVASIVS q̄ vsu non vlli aut arte secundus,  
Saxonic Ducis Archiatros nobilis idem.

Iamq̄ professorum linguas artesq̄ docentum,  
Consequitur numerus titulis & honoribus amplius,  
Hos comitabantur sapientes recta Magistri.

Congrediturq̄ fr̄ quens antiqui stemmatis ortu  
Nobilis & cordata cohors, & nobilis arte  
Pieria, festos vt & ipsa celebret honores.

Huus qui etiam Consul clarissimus vrbis,  
Atq̄ adeo totus, prudentia corda, Senatus  
Eximius præstò est: & quos numerare molestus  
Ac infinitus labor est, si nomina saltem  
Nada ego conarer, titulis conscribere omisissis.

Nec mora, confestim loca designante pedello  
Sessum abeunt, longa serie & subsellia complent,  
Quis inter Medica vir præstantissimus arte,  
Doct̄r Apollinei inuenti, vir præditus vsu,  
Rector ELINGERVS iam iam deponere fasces,  
Imperiumq̄ scholæ post tædia mille paratus  
Exhausta, ascendit, sceptris ornatus, habensq̄  
Purpuream Chlamydem, structam pro more Cathedram,  
Omnes hunc oculis, hunc nudo vertice cuncti  
Auscultant prompti, dum taliter ora resoluit  
Grandiloquis sæpè & veris exercita verbis:

Ardua res neq̄ non prouincia plena laboris  
Et multiplicium curarum est, tædia quæq̄

A 3

Crebra

Crebra parit, ludi commissas flectere habenas,  
Quem Sathanas, quem Lethæi grex horridus amnis  
Odit &, eversum cupit inter prorsus & ire,  
Dum premit ærumnis, densisq; hinc inde periculis  
Obruit, afflictum miserè misereq; gementem,  
Seq; nimis dura releuari mole petentem:  
Et stolidam (qua non ætas petulantior vlla)  
Dirigere ac placida compescere lege iuventam.  
Hic labor; hoc onus, hoc paucis tolerabile pondus,  
Quantumuis possit transactotempore poni.  
Expertus loquor, experto mihi credite, non est  
Vana fides: testantur idem qui scepra priores  
Me gessere: Tibi meritas nunc optime grates  
Christe ago, præsentis liceat mandare quod hora  
Tradereq; imperium successori generoso,  
Quod comes ante mihi generosus Sigismundus  
Tradiderat, Duce te & Rectore negocia passim  
Sustinui oblata & studui componere rixas  
Et studiosorum lites, variasq; querelas.

Sed quia sic prisco iam pridem more receptum est  
Vt nouus in veteris redeat vestigia **RECTOR**  
Continuò, ne Rege carens & Principe cætus  
Subiectus licuisse putet, quodcunq; libere  
Degenerans putet ipse sibi: Te voce Senatus  
Consilioq; Scholæ Baro **ANARG FRIDERICE** vetustæ  
Vnum iam columen gentis, spes vnica stirpis

Magna



Magnanimæ, sese qua **VVILDENFELSIA** longos  
Retrò annos numerans iactat satis esse superbam,  
Te virtute tua, Te prisca sanguinis ortu  
Egregium Generose **BARO** suffragia cuncti  
Rectoremq; caputq; Scholæ legere Senatus,  
Lectum voce mea declaro, renuncio, sceptris  
Armo, togaq; humeros insignem & Epomide reddo.  
Sceptra potestatis regniq; insignia trado,  
Ecce mihi demo Tyrio bis murice tinctam  
Magne **BARO** vestem & **TIBI** trado, tuosq; recingo  
Hic humeros, tanti fas est Te insignia honoris  
Gestare, atq; his conspicuum fulgere, sigilla  
Quin etiam do bina tibi maiusq; minusq;  
Adjiciens claves, reseres queis limina sacræ  
Cuncta domus: Vtinam sacrum tibi claudere templum  
His liceat, Martemq; ferum constringere vinculis,  
Et pacis reserare fores placidæq; quietis.  
Tu sensu decerne tuo signaq; quod æquum est.  
Tu nunc Magnus paulatim assuesce vocari  
**RECTOR**, secretis animumq; intendere curis.  
Inclyte da faciles **BARO** da sermonibus aures,  
Quos animi lingua in medium nunc protulit index.  
Tu studiosa tuum **RECTOREM** agnosce iuventus  
Et iusto reuerere metu, cole, dilige, honora.  
Hæc ille: Ac subito iuuenis suffusa modesto  
Ora rubore gerens (color hic virtutis) **ANARCHVS:**  
Fas

Fas est Doctores Praeceptoresq; colendi  
Obsequio vobis digno parere, nec illud,  
Si cupiam, certa vitæ ratione, tenellis  
Viribus impar onus (superat fiducia vires  
Tanta nimis fragiles) aliquis me grandior ævo  
Ac vsu melior longè maiora pararet  
Commoda SALANÆ: Quid enim crescentibus annis  
Perpendat iuuenis recti? experientia sensus  
Longa acuens, pensat cunctarum pondera rerum  
Sedula, semotisq; malis semper bona quærit.  
At sequor, & si quid possum sine murmure præsto,  
Iuris amans legumq; volens viguisse decorum.  
Vos me consilio, vos me mea cura iuuate  
Grandævi patres: Ego cælica numina supplex  
Auxilium poscam votis precibusq; vocabo.  
Nunc leges iubeo recitentur & alma statuta,  
Est parere quibus non iniucunda voluptas.  
Hic finis: surguntq; toris abeuntq;: ministri  
Præeij eunt ac sceptrâ gerunt, monstrantq; penates,  
In quibus instructis iussi considerare mensis  
Gymnasy proceres, longè pulcherrimus ordo,  
Et quos externis ad festa scholastica ab oris  
Accierat fama insignes & honoribus auctos  
Magnificus RECTOR. Viden? vt studiosa iuventus  
Vndiq; circumfusa ruat, mirata BARONEM  
Rectoremq; caputq; suum, qui lumina terris

Defigens

Defigens, solus reliquis conspectior exit,  
Hesperus ut reliquos inter formosior ignes.  
Huius in incessu dum vultu animoq; moratur  
Prospera gratatur **RECTORI**, ut sidere fausto  
Susceptum imperium, **CHRISTO** auxiliante, tueri  
Et salua tandem valeat deponere dextra,  
Taleq; letanti modulatur gutture carmen:

Es verè felix **RECTOR**, cui subleuat ingens  
Molis onus, nostri multum ~~ROSA~~ rosa bycæi } 11111111  
Infestis stimulis. Nulla hunc nocte obruet ætas  
Cimmeria; ille tuos proprio sudore labores  
Prouebet, imperium & solerti mente iuuabit.  
Resq; geret regni rectè moderatus habenas.  
Sis felix **ANARGE** diu, dextreq; gubernans  
Degentem ad montes Salaq; fluentia iuentam.

Non modò te quisquam soboles dilecta Baronum  
Aptior officio viuunt sceptrisq; regendis.  
**LIPSI**A Phæbicolæ, **TE**, non inuisa cateruæ,  
Tanto, sponte sua, cultu dignata fuisset,  
Ni tua te patrijs peragenda negocia terris  
Abstraherent: At nunc, cæli qui splendida fulcit  
Sydera, terrestri qui res sustentat in orbe,  
**TE** nobis fauit Rectorem, immensa parentum,  
Quem series laudum summa in fastigia ponit.

**ECCE** hilaris nunc quanta animis Academia versat  
Gaudia? Permultum de te sibi subdita spondet

B

Turba

gens

Turba boni, Aonijs turba exercenda palestris.  
Quid verbis opus est? hæc non ignara futuri  
Affore confidit, longis sperata diebus  
Tempora, queis ludum ventis discordibus actum  
Hactenus, innumeris exemptum casibus vnus  
Restituas, miserisq; feras solatia rebus.

Fallor? an hæc noctes te cura diesq; fatigat  
Inchyta? Maeste tuæ illustri virtutis honore

ANARGE, ô generose BARO, quod stirpis auitæ  
Gloria, quod recti suadet mens conscia facti,  
Aggredere, ô nostris Rector venerande Camænis.

TE siquidem Rectore suum schola nostra vicissim  
Extollet decus, ac rutilis caput inferet astris.

Doctrina cultus nebulosas pellere nubes  
Et tranquilla potes castis dare gaudia Musis.

Quid? quod & egregio lucens in corpore forma  
Ingenuus vultus, grauium mansuetaq; morum  
Gratia, & insignis (medius seu forte BARONES  
Inter eas reliquos, Doctorum siue timendos  
Anteeas gressus, Solus seu fortè per urbem  
Ad sacra Pierij confers te culmina templi)  
Incessus charum cunctis te reddidit, vt te  
Suspiciant, sanctumq; putent & amabile donum,  
Tanta tua est probitas, tantum decus enitet ore.

Hinc ore vnanimi nos te plausuq; frequenti  
RECTOREM FRIDERICE scholæ, tua subdita turba

Suspicio

Susplicimus, Tibi nunc tibi fausta precamur ouantes,  
Sis fortunatus (neq; nos mens praescia fallit.)  
Quem tam lata manent dulcis praeconia fama,  
Cui non impietas, multis grassata sacellis,  
Vicinisq; vomens sua dira venena sub oris  
Imponet: num lusa tremit? num victa labascit?  
Et tremit & supplex tibi palmas porriget vltro:  
Haud ANARGE tibi studijs inimica probandis  
Barbaries, centum technis operata nocebit,  
Aufugiet trepidis implens clamoribus urbem.  
Has saltem non segnis adi praeclara potentum  
Maiorum proles: fugient caesq; recedent  
Impietas & Barbaries: Nam vulnera gestant  
Nuper in hoc accepta loco, cum maximus ille  
Infractusq; heros, Christi vexillifer ille  
Saxonico natus clemens e stemmate Princeps,  
Nomina cui LANI FRIDERICI prima fuerunt,  
(Cuius progenies seruans a patre retenta  
Verba Dei, relegit gelidi vestigia patris)  
Expulit hinc tenebras & pigri somnia Papae,  
Impietatis opus, spurcisq; sophismata chartis  
Credita, Barbariae sobolem: Summiq; Tonantis  
Dogmata substituit, praelustria templaq; Musis  
Sacrauit, quae diuinos reuerenter honores  
Asserent, Cape sceptrum, precor, visisq; recedent  
Absq; mora sceptris memores cladisq; prioris

B 2

Et

Et maiora suis metuentes vulnera tergis.  
Sicq̄ pari tanto cum Principe dignus honore,  
Gestabis Lauri contextam è fronde coronam,  
Excellens FRIDERICE BARO suauissime RECTOR.  
Iam mihi, iam pietas adytis monimenta sacratis  
Sumpta gerens, scrutansq̄ oculis & pectore scrutans,  
Imo quicquid habet cæli sub corde sepultum  
Arbiter, intendens digitos & lumina fonti  
Ex quo dulce fluit prouentu diuite nectar,  
Albis te circum pennis volitare putatur.  
Iam mihi iam miris onerata Peritia rebus  
Cingere te, supraq̄ tuos consistere crimes,  
Creditur, & tacito grata omina voluere gestu.  
Deniq̄ te meritum blandæ modulamina vocis,  
Cantabunt, te grex fidus super astra locabit.  
Nunc Deus ipse tibi concessum iure secundet  
Imperium, vt degas longo dignissimus æuo.  
Ipse DEVS tibi constanti sit numine præstò,  
Te sinat Aonias pacatè flectere turmas,  
Hoc præeunte tibi RECTOR RECIORE gubernes.

F I N I S.

A 2490

ULB Halle

3


003 485 986




sb

kom









XXX.


29

CARMEN GRATVLA.  
TORIVM

IN HONOREM IL-  
LVSTRIS ET GENEROSI DO-  
mini, Domini ANARGI FRIDERICI, Li-  
beri Baronis in Vuildenfels, & Domini in Ronne-  
berga, &c. Magnifici Rectoris in Salana Acade-  
mia publicè electi & renunciati prid.  
Calend. Augusti, Anno  
M. D. LXXI.

Autore

GEORGIO REGEBRANDO  
Regiomontano nouæ Marchiæ.



I E N Æ  
Guntherus Huttichius excudebat  
Anno 1571.

FF 20